



初唐彙詩卷第六十五

四唐彙詩六十五

長安郭振西諸君

新都

吳勉學

采輯

胡之衍

校次

五言絕句

樂府

王昭君三首

郭元振

自嫁單于國長銜漢掖悲容顏日憔悴有甚畫

圖時

又

厭踐冰霜域嗟爲邊塞人思從漠南獵一見漢家塵

又

聞有南河信傳言殺畫師始知君念重更肯惜

蛾眉

子夜冬歌

薛曜

朔風扣羣木嚴霜凋百草借問月中人安得長不老

子夜四時歌六首

郭元振

春歌二首

陌頭楊柳枝已被春風吹妾心正斷絕君懷那得知

又

青樓含日光綠池起風色贈子同心花殷勤此何極

秋歌二首

邀歡空佇立望美須迴顧何時復採菱江中密相遇

又
辟惡茱萸囊延年菊花酒與子結綢繆丹心此
何有

冬歌二首

北極嚴氣昇南至溫風謝調絲競短歌拂枕憐
長夜

又

惟橫雙翡翠被卷兩鴛鴦婉態不自得宛轉君
王牀

昭君怨三首

東方虬

漢道方全盛朝廷足武臣何須薄命妾辛苦事
和親

又

掩淚辭丹鳳銜悲向白龍單于浪驚喜無復舊
時容

又

胡地無花草春來不似春自然衣帶緩非是為
腰身

賦得自君之出矣

張九齡

自君之出矣不復理殘机思君如滿月夜夜減

清輝

又 樂府詩集作李康成非按康成撰玉臺後集以此首為弘智康成別是 辛弘智

自君之出矣梁塵靜不飛思君如滿月夜夜減

容輝

又

自君之出矣寶鏡為誰明思君如隴水常聞鳴

咽聲

春江曲

郭元振

江水春沈沈上有雙竹林竹葉壞水色郎亦壞

人心

堂堂詞二首

李義府

鏤月成歌扇裁雲作舞衣自憐迴雪影好取洛

川歸

又

懶整鴛鴦被羞褰玳瑁牀春風別有意密處也

尋香

采桑

郎大家宋氏

春來南鴈歸日去西蠶遠妾思紛何極客遊殊未返

山鷓鴣詞

蘇頌

玉闥征戍久空閨人獨愁寒露濕青苔別來蓬鬢秋

又

人坐青樓晚鶯語百花時愁多人自老斷腸君不知

大酺樂

張文收

淚滴珠難盡容殘玉易銷倘隨明月去莫道夢魂遙

下山逢故夫

徐之才

踟躕下山婦共申別離久為問織縑人何必長相守

長門失寵

蕭意

自從別鑿殿長門幾度春不知金屋裏更貯若為人

擣衣

沈宇

日暮遠天青霜風入後庭洞房寒未掩砧杵夜

泠泠

蕭意

三月閨怨

袁暉

三月時將盡空房妾獨居蛾眉愁自結鬢髮沒

情梳

余之木

與國賢良夜歌二首

張柬之

柳臺臨新堰樓堞相重複窈窕鳳凰姝傾城復

傾國

又

杏間花照灼樓上月徘徊帶嬌移玉柱含笑捧

金杯

朝會

奉和正日臨朝應詔

楊師道

皇猷被寰宇端辰屬元辰九重麗天邑千門臨

上春

述感

書懷

劉幽求

心爲明時盡君門尚不容田園迷徑路歸去欲何從

述懷

唐怡

萬事皆零落平生不可思惟餘酒中趣不減少年時

獨愁

李崇嗣

聞道成都酒無錢亦可求不知將幾斗銷得此來愁

覽鏡

見紀事萬首絕句作李嗣宗詩當是字畫之誤

李崇嗣

歲去紅顏盡愁來白髮新今朝開鏡匣疑是別逢人

秋朝覽鏡

薛稷

客心驚落木夜坐聽秋風朝日看容鬢生涯在鏡中

照鏡見白髮聯句

張九齡

宿昔青雲志蹉跎白髮年誰知明鏡裏形影自相憐

懷思

寒夜思友三首

王勃

久別侵懷抱他鄉變容色月下調鳴琴相思此何極

又

雲間征思斷月下歸愁切鴻鴈西南飛如何故人別

又

朝朝翠山下夜夜蒼江曲復此遙相思清樽湛芳綠

林塘懷友

王勃

芳屏盡春草仙杼織朝霞何如山水路對面即飛花

贈答

賜蕭瑀

太宗

疾風知勁草板蕩識誠臣勇夫安識義智者必懷仁

賜房玄齡

太宗

太液仙舟迴西園隱上才未曉征車度雞鳴關

早開

賜魏證詩

太宗

醞醕勝蘭生翠濤過玉薤千日醉不醒十年味
不敗

元日恩賜柏葉應制

李义

勁節臨冬勁芳心待歲芳偏令人益壽非止麝
含香

奉和正旦賜宰臣柏葉應制

武平一

綠葉迎春綠寒枝歷歲寒願持柏葉壽長奉萬
年歡

又

趙彥昭

器乏雕梁器材非構厦材但將千歲葉常奉萬
年杯

進太宗詩

徐賢妃

朝來臨鏡臺妝罷暫徘徊千金始一笑一召詎
能來

九日進茱萸山詩五首

張說

家居洛陽下舉目見嵩山刻作茱萸節情生造化間

又
黃花宜汎酒青嶽好登高稽首明廷內心爲天下勞

又
菊酒携山客萸囊繫牧童路疑隨大隗心似問

鴻蒙

又

九日重陽數三秋萬實成時來謁軒后罷去坐蓬瀛

又

晚節歡重九高山上五千醉中知遇聖夢裏見尋仙

正朝上左相張燕公

楊重玄

歲去愁終在春還命不來長吁問丞相東閣幾時開

贈嚴侍御

宋之問

受脈清邊服乘驄歷塞塵當聞漢雪耻羞共虜
和親

贈李十四四首

野客思茅宇山人愛竹林琴尊唯待處風月自
相尋

又

小徑偏宜草空庭不厭花平生詩與酒自得會
仙家

又

亂竹開三逕飛花滿四鄰從來楊子宅別有尚
玄人

又

風筵調桂軫月徑引藤杯直當花院裏書齋望
曉開

流所贈張錫

章玄同

黃葉因風下甘從洛浦隈白雲何所爲還出帝
鄉來

題祀山烽樹贈喬十二侍御陳子昂

漢庭榮巧宦雲閣薄邊功可憐驄馬使白首爲
誰雄

與琳法師

毛明素

冶長倦縲紲韓安歎死灰始驗山中木方知貴
不材

入長安詠秋蓬示辛學士

王績

遇坎聊知止逢風或未歸孤根何處斷輕葉強
能飛

詠螢火示情人

李百藥

牕裏憐燈暗堦前畏月明不辭逢露濕祇爲重
宵行

初入峽苦風寄故鄉親友

陳子昂

故鄉今日友歡會坐應同寧知巴峽路辛苦石
尤風

塞上寄內

崔融

旅魂驚塞北歸望斷河西春風若可寄暫爲遶
蘭閨

寄劉道士鳥

張說

真人降紫氣邀我丹田宮遠寄雙飛鳥飛飛不礙空

詠燭寄人 潘求仁

燭與人相似通宵遽白煎不應須下淚祇是爲人然

答田徵君 宋之問

出遊杳何處遲回伊洛間歸寢忽成夢宛在嵩丘山

答太常靳博士見贈一絕 張九齡

上苑春先入中園花盡開唯餘幽徑草尚待日光催

答戶部員外賀遂涉戲贈 趙謙光

錦帳隨情設金爐任意薰惟愁員外署不應列星文

答香能和尚塔 張說

大師捐世去空餘法力在遠寄無礙香心隨到南海

答王無功入長安詠秋蓬見示辛學士

托根雖異所飄葉早相依因風若有便更共入
雲飛

大雅送別

夜送趙縱

楊炯

趙氏連城壁由來天下傳送君還舊府明月滿
前川

送二兄入蜀

盧照隣

關山客子路花鳥帝王城此中一分手相顧憐
無聲

於易水送人

駱賓王

此地別燕丹壯髮上衝冠昔時人已沒今日水
猶寒

送梁知微渡海東

張說

今日此相送明年此相待天上客星迴知君渡
東海

嶺南送使二首

張說

獄中生白髮嶺外罷紅顏古來相送處凡得幾
人還

又

萬里投荒裔來時不見親一朝成白首看取報家人

送蘇尚書赴益州

宋璟

我望風煙接君行霰雪飛園亭若有送楊柳最依依

又

鄭惟中

離憂將歲盡歸望逐春來庭花如有意留豔待人開

送兄

七歲女子

別路雲初起離亭葉正稀所嗟人異鴈不作一行飛

江亭夜月送別二首

王勃

江送巴南水山橫塞北雲津亭秋月夜誰見泣離羣

又

亂煙籠碧砌飛月向南端寂寂離亭掩江山此夜寒

送別

駱賓王

寒更承夜永涼夕向秋澄離心何以贈自有玉壺冰

臨川送別

盧僎

秋郊日半隱野樹煙初映風水正蕭條那堪動離詠

贈別冀侍御崔司議

并序

陳子昂

朝廷歡娛山林幽癖思魏闕魂已九飛飲岷江情復三樂進不忘匡救於國退不慚無悶

在林冀侍御崔司議至公至平許我以語默于是矣夫達則以公濟天下窮則以大道理身嗟乎子昂豈敢負古人哉蜀國酒醪無以娛客至於挾清瑟登高山白雲在天清江涵月可以散孤憤可以遊大清一世之逸人寄千里之道友吾欲不謝於崔冀二公矣所恨酒未醒琴方清王事靡盬驛騎遄速不盡平原十日之飲又謝叔度累日之歡雲山悠悠歎不及也載房陸畢子為軒冕之人不知

蜀山有雲巴水可與睽闕良會我心惄然請
以此酣寄謝諸子爲巴山別引也

有道君匡國無悶余在林白雲峨眉上歲晚來
相尋

山中別李處士

王績

爲向東谿道人來路漸賒山中春酒熟何處得
停家

別人四首

王勃

久客逢餘閨他鄉別故人自然堪下淚誰忍望

征塵

又

江上風煙積山幽雲霧多送君南浦外還望將
如何

又

桂軺初不駐蘭筵幸未開林塘月月賞應待故
人來

又

霜華淨天未霧色籠江際客子常畏人何爲久

留滯

南行別弟

一作楊師道詩英華
作韋承慶南中詠鴈

于季子

萬里人南去三春鴈北飛不知何歲月得與爾

同歸

南行別弟

韋承慶

澹澹長江水悠悠遠客情落花相與恨到地一
無聲

別親朋

鄭蜀賓

畏途萬萬里生涯近百年不知將白首何處入

黃泉

湖中別鑒上人

宋之問

願與道林近在意逍遙篇自有靈佳寺何用沃
洲禪

期遇

秋夜喜遇王處士

王績

北場芸藿罷東臯刈黍歸相逢秋月滿更值夜
螢飛

江中遇黃領子劉隆

張說

初唐彙詩 卷之五
危石江中起孤雲嶺上還相逢皆得意何處是鄉關

灞橋待李將軍

長孫無忌

颯颯風葉下遙遙煙景曛灞陵無醉尉誰滯李將軍

初唐彙詩卷第六十五

四唐彙詩六十五

初唐彙詩卷第六十六

四唐彙詩六十六

新都

吳勉學

采輯

胡之行

校次

五言絕句

紀行

奉和聖製潼關口號應制

張說

天德平無外關門東復西不將千里隔何用一丸泥

又

張九齡

嶙嶙故城壘荒涼空戍樓在德不在險方知王道休

又

蘇頌

在德何夷險觀風復往還自能同善閉中路可無關

奉和聖製經函谷關作

張九齡

函谷雖云險黃河已復清聖心無所隔空此置關城

經慈澗題

鄭繇

岸與恩同廣波將慈共深涓涓勞日夜長似下流心

出玉關

來濟

歛轡遵龍漢銜悽渡玉關今日流沙外垂涕念生還

渡漢江

宋之問

嶺外音書斷經冬復歷春近鄉情更怯不敢問來人

臨江二首

王勃

泛泛東流水飛飛北上塵歸驂將別棹俱是倦
遊人

又
去驂嘶別路歸棹隱寒洲江臯木葉下應想故
城秋

始平晚息

觀闕長安近江山蜀道賒客行朝復夕無處是
鄉家

宿玄武二首
盧照隣

方池開曉色圓月下秋陰已乘千里興還撫一
弦琴

又

庭搖北風柳院繞南溟禽累宿恩方重窮秋歎
不深

喜入長安

雲日能催曉風光不惜年賴逢征客盡歸在落
花前

晚屆鳳州

王勃

寶雞辭舊城仙鳳歷遺墟去此近城闕青山明
月初

扶風晝角離京浸遠
王勃

帝里金莖去扶風石柱來山川殊未已行路方
悠哉

在荊州重赴嶺南
宋之問

夢澤三秋日蒼梧一片雲還將
羽重入鷗

鵠群

廣州江中作
張說

去國歲方晏愁心轉不堪離人與江水終日向
西南

蜀道後期
張說

客心爭日月來往預期程秋風不相待先至洛
陽城

他鄉叙興
王勃

綴葉歸煙晚乘花照落春邊城琴酒處俱是越
鄉人

羈春
王勃

客心千里倦春事一朝歸還傷北園裏重見落花飛

長江悲已滯萬里念將歸况屬高風晚山山黃葉飛

即今三伏盡尚自在臨邛歸途千里外秋月定相逢

遼東山夜臨秋

太宗

煙生遙岸隱月落半崖陰連山驚鳥亂隔岫斷

猿吟

汾上驚秋

蘇頌

北風吹白雲萬里渡河汾心緒逢搖落秋聲不可聞

嶺外守歲

李福業

冬去更籌盡春隨斗柄迴寒暄一夜隔容鬢兩年催

欽州守歲

張說

故歲今宵盡新年明日來
愁心隨斗柄東北望
春迴

岳州守歲二首 張說

夜風吹醉舞庭戶對酣歌
愁逐前年少歡迎今
歲多

又

桃枝堪辟惡爆竹好驚眠
歌舞留今夕猶言惜
舊年

寒食

又見沈佺期集

李崇嗣

昔天皆滅燄匝地盡藏煙
不知何處火來就客
心然

擬江令於長安歸揚州九日賦

許敬宗

木逐征鴻去還隨落葉來
菊花應未滿請待詩
人開

古跡

謁二妃廟

宋之問

送以金屋貴留茲寶席尊
江鳧嘯風雨山鬼泣

朝昏 金風蕭蕭 涼意漸生 暮色蒼茫 風雨山嵐

河陽吹風 宋之問

昔日河陽縣 氛氳香氣多 曹娘嬌態盡 春樹不堪過

不似 燕遊 去歲 來歲 來歲 來歲 來歲 來歲 來歲 來歲

於大原召侍臣賜宴守歲 太宗宗

四時運灰琯 一夕變冬春 送寒餘雪盡 迎歲早

梅新

侍宴賦得起坐彈鳴琴 風火來如客

水聲 絲傳園客意 曲奏楚妃情 罕有知音者 空勞流

奉蕭令嵩酒并詩

已下三首俱 賜宴東堂作

張說

樂奏天恩滿 杯來秋興高 更蒙蕭相國 對席飲

醇醪

奉宇文黃門融酒

聖德重甘露 天章下大風 又乘黃閣賞 願作黑

頭公

奉裴中書光庭酒

西掖恩華降南宮命席闌詎知雞樹後更接鳳

池歡

清夜酌

張說

秋陰士多感雨息夜無塵清樽宜明月復有平

生人

耗磨日飲

張說

耗磨傳茲日縱橫道未宜但令不忌醉翻是樂
無為

和張燕公耗磨日飲

趙冬義

上月今朝減流傳耗磨辰還將不事事同醉俗

中人

九隴津集

盧照隣

落落樹陰紫澄澄水華碧復有翻飛禽徘徊疑

曳鳥

臘日宣詔幸上苑

則天皇后

明朝遊上苑火急報春知花須連夜發莫待曉
風吹

奉和登驪山應制

閻朝隱

龍行踏絳氣天半語相聞混沌疑初判洪荒若

始分

又

攀藤招逸客偃桂協幽情水中看樹影風裏聽

松聲

又

携琴侍叔夜負局訪安期不應題石壁為記賞

山時

又

泉石多仙趣巖壑寫奇形欲知堪悅耳唯聽水

泠泠

又

巖壑恣登臨瑩目復怡心風篁類長笛流水當

鳴琴

又

懶步天台路惟登地肺山幽巖仙桂滿今日恣

情攀

又

暫遊仁智所蕭然松桂情寄言樓遜客勿復訪

蓬瀛

又

瀑溜晴疑雨叢篁畫似昏山中真可翫暫請報

王孫

又

傍池聊試筆倚石旋題詩豫彈山水調終擬從

鍾期

又

橫鋪豹皮褥側戴鹿胎巾借問何為者山中有

逸人

奉和春日臺池

元萬頃

日影飛花殿風文積草池鳳樓通夜敞虬輦望

春移

遊昌化山精舍

盧照隣

寶地乘峯出香臺接漢高稍覺真途近方知人

事勞

遊涇川琴谿

武平一

環潭澄曉色疊嶂照秋影幽致欣所逢紛慮自

茲屏

遊昌山山館舍

盧照隣

葭川獨泛

盧照隣

倚棹春江上橫舟石岸前山暝行人斷迢迢獨

泛仙

味春日臺賦

元萬貞

早春野望

王勃

江曠春潮白山長曉岫青他鄉臨眺極花柳映

邊亭

冬郊行望

王勃

桂密巖花白梨疎竹葉紅江皋寒望盡歸念斷

征蓬

春遊

王勃

客念紛無極春淚倍成行今朝花樹下不覺戀

年光

登城春望

王勃

物外山川近晴初景靄新芳郊花柳徧何處不

宜春

南樓望

盧僎

去國三巴遠登樓萬里春傷心江上客不是故

鄉人

在軍登城樓

駱賓王

城上風威冷江中水氣寒戎衣何日定歌舞入
長安

登玉清

盧照隣

絕頂橫臨日孤峰半倚天徘徊拜真老萬里見
風烟

江樓

韋承慶

獨酌芳春酒登樓已半曛誰驚一行鴈衝斷過
江雲

登荊州城望江二首

張九齡

滔滔大江水天地相終始經閱幾世人復歎誰
家子

又

東望何悠悠西來晝夜流歲月既如此為心那
不愁

入朝洛堤步月

上官儀

脈脈廣川流驅馬歷長洲鵲飛山月曙蟬噪野

風秋

春眺

李百藥

疲疴荷拙患淪躋合幽襟栖息在何處丘中素

鳴琴

獨酌

王績

在生知幾日無狀逐空名不如多釀酒時向竹

林傾

醉後

王績

阮籍醒時少陶潛醉日多百年何足度乘興且

長歌

嘗春酒

王績

野觴浮鄭酌山酒漉陶巾但令千日醉何惜兩

三春

山夜調琴

王績

促軫乘明月抽絃對白雲從來山水韻不使俗

人聞

山扉夜坐

王勃

抱琴開野室携酒對情人林塘花月下別是一

家春

林泉獨飲

王勃

丘壑經塗賞花柳遇時春相逢今不醉物色自
輕人

春園

王勃

山泉兩處晚花柳一園春還持千日醉共作百
年人

春莊

王勃

山中蘭葉徑城外李桃園直知人事靜不覺鳥
聲喧

夜興

王勃

野煙含夕渚山月照秋林還將中散興來偶步
兵琴

醉中作

張說

醉後樂無極彌勝未醉時動容皆是舞出語總
成詩

江中誦經

張說

實相歸懸解
虛心暗在通
澄江明月內
應是色成空

山驛閑卧卽事

蘇頌

息燕歸簷靜
飛花落院閑
不愁愁自着
誰道憶鄉關

元朝

張說

今歲元日樂
不謝往年春
知向來心道
誰爲昨夜人

初年

陳叔達

和風起天路
嚴氣消氷井
索索枝未柔
厭厭漏猶永

春首

陳叔達

雪花聯玉樹
氷彩散瑤池
翔禽遙出沒
積翠遠參差

初春

王績

春來日漸長
醉客喜年光
稍覺池亭好
偏宜酒甕香

春夜

虞世南

春苑月徘徊竹堂侵夜開驚鳥排林度風花隔水來

九日

王勃

九日重陽節開門有菊花不知來送酒若箇是陶家

初晴應教

虞世南

初日明燕館新溜滿梁池歸雲半入嶺殘滴尚懸枝

燈

陳子昂

三五月華新遨遊逐上春芳宵殊未極隨意守燈輪

夜還東谿

王績

石苔應可踐叢枝幸易攀青谿歸路直乘月夜歌還

嵩山夜還

宋之問

家住嵩山下好采舊山薇自省遊泉石何曾不夜歸

初唐彙詩卷六十六

四唐彙詩卷六十六

初唐彙詩卷六十七

四唐彙詩六十七

新都 吳勉學 采輯

胡之衍 校次

五言絕句

題詠

題酒店壁五首

一作過酒家

王績

洛陽無大宅長安乏主人黃金銷未盡祗為酒家貧

又

此日長昏飲非關養性靈眼看人盡醉何忍獨
為醒

竹葉連糟翠葡萄帶麴紅相逢不令盡別後為
誰空

又

對酒但知飲逢人莫強牽倚壚便得睡橫瓮足
堪眠

又

有客須教飲無錢可別沽來時長道貫慚愧酒
家胡

又一首

王績

昨夜銚始盡今朝甕即開夢中占夢罷還向酒
家來

戲題水鋪壁

旦逐劉伶去宵隨畢卓眠不應長賣十須得杖
頭錢

普安建陰題壁

王勃

望苑長為客商山遂不歸誰憐北陵井未息漢
陰機

題殿前桂葉未回氣中無公盧僕不
桂樹生南海芳香隔楚山今朝天上見疑是月
中攀

奉和詠風應魏王教之與虞世南
逐舞飄輕袖傳歌共繞梁動枝生亂影吹花送
遠香

王人下春雪
東方虬自

春雪滿空來觸處似花開不知園裏樹若個是
真梅

翫初月
駱賓王

忌滿光先缺乘昏影暫流既能明似鏡何用曲
如鈎

中秋月二首
李嶠

盈缺青冥外東風萬古吹何人種丹桂不長出
輪枝

又
空谷言四

不居真詩 卷之二十一
四
鳳魄上寒空皆言四海同安知千里外不有雨
兼風

盜賊青詠小山風萬古如向人野具太宗

近谷交縈藥遙峰對出蓮徑細無全磴松小未
含煙

凌波起羅襪含風染素衣別有知音調聞歌應

自飛

春雪詠燕 張鷟

變石身猶重銜泥力尚微從來赴甲第兩起一
雙飛

詠鳥

李義府

日裏颺朝彩琴中伴夜啼上林如許樹不借一
枝棲

詠黃鶯

一作鄭愔詩
又作鄭縉

孫處玄

欲嘒聲猶澁將飛羽未調高風不借便何處得
遷喬

秋鴈

紀事作
褚亮

虞世南

日暮霜風急羽翮轉難任爲有傳書意聯翩入
上林

詠禮部尚書廳後鵲
蘇頲

懷印喜將歸窺巢戀且依自知棲不定還欲向
南飛

從駕閭山詠馬
上官儀

桂香塵處減練影月前空定惑由關吏徒嗟塞
上翁

詠灰兔
蘇頲

兔子灰蘭彈特來挂竹竿試將明鏡照何異月
中看

詠螢
虞世南

的歷流光小飄颻弱翅輕恐畏無人識獨自暗
中明

詠蟬
虞世南

垂綫飲清露流響出疎桐居高聲自遠非是藉
秋風

詠蟬
李百藥

清心自飲露哀響乍吟風未上華冠側先驚翳
葉中

詠李

盤根直盈渚交榦橫倚天舒華光四海卷葉蔭
三川

侍宴詠石榴

可惜庭中樹移根逐漢臣只爲時來晚花開不
及春

詠院中藜竹

擢擢當軒竹青青重歲寒心真徒見賞籜小未
成竿

和呂御史詠院中藜竹

張洸

聞君庭竹詠幽意歲寒多歎息爲冠小良工將
奈何

詠木槿樹題武進文明府廳

劉廷琦

物情良可見人事不勝悲莫恃朝榮好君看暮
落時

詠菊

陳叔達

不居身詩 卷之六十一
霜間開紫蒂露下發金英但令逢採摘寧辭獨
晚榮

詠燭二首
太宗
焰聽風來動花開不待春鎮下千行淚非是爲
思人

又

九龍蟠焰動四照逐花生卽此流高殿堪持代
月明

詠弓

太宗

上弦明月半激箭流星遠落鴈帶書驚啼猿映
枝轉

奉和詠弓

楊師道

霜重麟膠勁風高月影圓烏飛隨帝輦鴈落逐
鳴弦

詠硯

楊師道

圓池類璧水輕翰染煙華將軍欲定遠見棄不
應賒

詠鏡

駱賓王

寫月無芳桂照日有花菱不持光謝水翻將影
學冰

挑燈杖

駱賓王

稟質非貪熱焦心豈憚熬終知不自潤何處用
脂膏

詠破扇

唐怡

輪如明月盡羅似薄雲穿無由重掩笑分在秋
風前

詠破簾

喬氏

已漏風聲罷繩持也不禁一從經落節無復有
真心

詠省壁畫鶴

宋之問

粉壁圖仙鶴昂藏真氣多騫飛竟不去當是戀
恩波

詠舞

虞世南

繁弦奏淥水長袖轉回鸞一雙俱應節還似鏡
中看

詠舞

楊希道

二八如迴雪三春類早花分行向燭轉一種逐風斜

詠舞

大師舞回鸞一雙身熟蕭德言

低身鏘玉珮舉袖拂羅衣對簷疑燕起映雪似花飛

賦得臨池竹

太宗玄機

貞條障曲砌翠葉貫寒霜拂牖分龍影臨池待鳳翔

賦得臨池柳

太宗玄機

岸曲絲陰聚波移帶影踈還將眉裏翠來就鏡中舒

江濱梅

王適

忽見寒梅樹開花漢水濱不知春色早疑是弄珠人

曲池荷

盧照鄰

浮香繞曲岸圓影覆華池常恐秋風早飄零君不知

臨階竹

盧照鄰

初唐詩話 卷之六十七
封霜連錦砌防露拂瑤堦聊將儀鳳質暫與俗人諧

浴浪鳥

盧照鄰

獨舞依磐石羣飛動輕浪奮迅碧沙前長懷白雲上

含風蟬

盧照鄰

高情臨爽月急響送秋風獨有危冠意還將衰鬢同

燕巢軍幕

宋之問

非關憐翠幕不是厭朱樓故來呈燕領報道欲封侯

賦得弱柳鳴秋蟬

太宗

散影玉堦柳含翠隱鳴蟬微形藏葉裏亂響出風前

賦得早鴈出雲鳴

太宗

初秋玉露清早鴈生空鳴隔雲時亂影因風乍含聲

秋池一枝蓮

一作弘執恭詩

郭恭

秋至皆零落凌波獨吐紅托根方得
隨風

卽

賦得御製句朔野陣雲飛 何象

塞日穿痕斷邊鴻背影飛縹緲浮黃屋陰沈護
御衣

詠漢高祖 于季子

百戰方夷項三章且代秦功歸蕭相國氣盡戚
夫人

詠項羽 于季子

北伐雖全趙東歸不王秦空歌拔山力羞作渡
江人

廣州朱長史坐觀妓 宋之問

歌舞須連夜神仙莫放歸參差隨暮雨前路濕
人衣

見美人聞琴不聽 李播

洛浦風流雪陽臺朝暮雲聞琴不肯聽似妬卓
文君

佳人照鏡 張文恭

倦采靡蕪葉貪憐照膽明兩邊俱拭淚一處有
啼聲

看釀酒

王績

六月調神麴正朝汲美泉從來作春酒未省不
經年

正朝摘梅

張說

蜀地寒猶煖正朝發早梅偏驚萬里客已復二
年來

岳州看黃葉

張說

白首看黃葉徂顏復幾何空慙棠樹下不見政
成歌

見佳負錢出路

出玉臺後
集作鄭翼

鄭世翼

獨負千金價應從買笑來祗持難發口經爲幾
人開

賦詩

辛弘智

君爲河邊草逢春心剝生妾如臺上鏡得照始
分明

同洛陽李少府觀永樂公主入蕃

孫逖

邊地鶯花少年年未覺新美人天上落龍塞始
應春

哀傷

傷曹娘二首

鳳飛樓伎絕鸞死鏡臺空獨憐脂粉氣猶著舞
衣中

又

河伯憐嬌態馮夷要妹妹寄言遊戲人莫弄黃

河水

傷妓人董氏四首

張說

董氏嬌嬈性多為窈窕名人隨秋月落韻入擣
衣聲

又

粉蓋粘粧麗金花竭翠條夜臺無戲伴魂影向
誰嬌

又

舊亭紅粉閣宿處白雲關春日雙飛去秋風獨

不還

又

舞席霑殘粉歌梁委舊塵獨傷窓裏月不見帳中人

傷死奴

劉夷道

丹籍生涯淺黃泉歸路深不及江陵樹千秋長作林

見道邊死人

淒涼徒見日冥冥詎知年魂今不可問應為直

如弦

則天皇后挽歌

宋之問

象物行周禮衣冠集漢都誰憐事虞舜下里泣蒼梧

鄧國大夫人挽歌

宋之問

鸞歿鉛妝歇人亡錦字空悲端若能減渭水亦應窮

楊將軍挽歌

宋之問

亭寒照苦月隴暗積愁雲今日山門樹何處有

將軍

六言絕句

迴波詞

沈佺期

迴波爾時佺期流向嶺外生歸身名已蒙齒錄
袍笏未復牙緋

又

李景伯

回波爾時酒卮微臣職在箴規侍讌既過三爵
喧譁竊恐非儀

舞馬詞六首

張說

萬玉朝宗鳳展千金率領龍媒眄鼓凝驕蹀躞
聽歌弄影徘徊

又

天鹿遙徵衛叔日龍上借羲和將共兩駮爭舞
來隨八駿齊歌

又

綵旄八佾成行時龍五色因方屈膝銜杯赴節
傾心獻壽無疆

又

初唐彙詩 卷之十七
帝阜龍駒沛艾星蘭驥子權奇騰倚驤洋應節
繁驕接迹不移

又

二聖先天合德羣靈率土可封擊石駮驪紫燕
從金顧步蒼龍

又

聖君出震應籙神馬浮河獻圖足踏天庭鼓舞
心將帝樂踟躕

初唐彙詩卷第六十七

四唐彙詩六十七

初唐彙詩卷第六十八

四唐彙詩六十八

新都 吳勉學 采輯

胡之行 校次

七言絕句

樂府

折楊柳

喬知之

可憐濯濯春楊柳攀折將來就纖手妾容與此
同盛衰何必君恩能獨久

王昭君

無名氏

一回望月一回悲望月月移人不移何時得見
漢朝使爲妾傳書斬畫師

銅雀臺

劉庭琦

銅臺宮觀委灰塵魏主園陵漳水濱卽今西望
猶堪思况復當時歌舞人

采蓮曲

賀知章

稽山罷霧鬱嵯峨鏡水無風也自波莫言春度
芳菲盡別有中流采芰荷

如意曲

一作
娘

則天皇后

看朱成碧思紛紛憔悴支離爲憶君不信比來
長下淚開箱驗取石榴裙

涼州詞二首

王翰

蒲萄美酒夜光杯欲飲琵琶馬上催醉卧沙場
君莫笑古來征戰幾人回

又

秦中花鳥已應闌塞外風沙猶自寒夜聽胡笳
折楊柳教人意氣憶長安

十五日夜御前口號踏歌詞二首

花萼樓前雨露新長安城裏大平人龍銜火樹
千重艷雞踏蓮花萬歲春

張說

又

帝宮三五戲春臺行雨流風莫妬來西域燈輪
千影合東華金闕萬重開

張敬忠

邊詞

五原春色舊來遲二月垂楊未挂絲卽今河畔
水開日正是長安花落時

閨怨

搜玉集
作張炫

張洎

去年離別鴈初歸今夜裁縫螢已飛征客未來
音信斷不知何處寄邊衣

蘇摩遮五首

張說

摩遮本出海西胡琉璃寶服紫髯鬚聞道皇恩
遍宇宙來將歌舞助歡娛

又

繡裝帕額寶花冠夷歌騎舞借人看自能激水
成陰氣不慮今年寒不寒

不居身言 卷之八
臘月凝陰積帝臺豪歌急鼓送寒來油囊取得
天河水將添上壽萬年杯

又

寒氣宜人最可憐故將寒水散庭前惟願聖君
無恨壽長取新年續舊年

又

昭成皇后帝家親榮樂諸人不比倫往日霜前
花委地今年雪後樹逢春

登封大酺歌四首

盧照隣

明君封禪日重光天子垂衣曆數長九州四海
常無事萬歲千秋樂未央

又

日觀仙雲隨鳳輦天門瑞雪照龍衣繁絃綺席
方終夜妙舞清歌歡未歸

又

翠鳳逶迤登介丘仙鶴徘徊天上遊借問乾封
何所樂人皆壽命得千秋

又

千年聖主應昌期萬國淳風王化基請比上古
無為代何如今日太平時

述感

回鄉偶書二首

賀知章

少小離鄉老大回鄉音無改鬢毛衰兒童相見
不相識笑問客從何處來

又

離別家鄉歲月多近來人事半銷磨唯有門前

鏡湖水春風不改舊時波

獄中聞駕幸長安二首

沈佺期

傳聞聖旨向秦京誰念羈囚滯洛城扈從由來
是方朔為申冤氣在長平

又

無事今朝來下獄誰期十月是橫河君看鷹隼
俱堪擊為報蜘蛛收網羅

懷思

憶蜀地佳人

駱賓王

初唐彙詩 卷之十八 五
東西吳蜀關山遠魚來鴈去兩難聞莫怪常有
千行淚只爲陽臺一片雲

春日思歸

王翰

楊柳青青杏發花年光誤客轉思家不知湖上
菱歌女豈幾春舟在若耶

贈答

駕幸新豐溫泉宮獻詩三首

上官昭容

三冬季月景隆年萬乘觀風出灞川遙看電躍

龍爲馬迴矚霜原玉作田

又

鸞旂掣曳拂空迴羽騎驂驪躡景來隱隱驪山
雲外聳迢迢御帳日邊開

又

翠幕珠幃敞月營金罍玉笋泛蘭英歲歲年年
常扈蹕長長久久樂昇平

贈蘇綰書記

杜審言

知君書記本翩翩爲許從戎赴朔邊紅粉樓中

應計日燕支山下莫經年

戲贈趙使君美人

杜審言

紅粉青娥映楚雲
桃花馬上石榴裙
羅敷獨向東方去
謾學他家作使君

河陽橋代竇郎中佳人答楊中舍

王勃

披風聽鳥長河路
臨津織女遙相妬
判知秋夕帶啼還
那及春朝携手度

答朝士

賀知章

銀鏤銀盤盛蛤蜊
鏡湖蓴菜亂如絲
鄉曲近來佳此味
遮渠不道是吳兒

送別

餞唐永昌赴任東都

薛稷

河洛風煙壯市朝
送君飛鳧去漸遙
更思明年桃李月
花紅柳綠宴浮橋

又

沈佺期

洛陽舊有神明宰
輦轂由來天地中
餘邑政成何足貴
因君取則四方同

又

田郎才貌出咸京
潘子文華向洛城
願以深心留善政
當令強項謝高名

李义

又

聞道飛鳧向洛陽
翩翩矯翮度文昌
因聲寄意三花樹
少室巖前幾過香

李適

又

聞君出宰洛陽隅
賓友稱觴餞路衢
別後相思在何處
祗應關下望仙鳧

馬懷素

又

洛陽難理若棼絲
椎破連環定不疑
鸚鵡休言秦地樂
回頭一顧一相思

閻朝隱

又

始見郎官拜洛陽
旋聞近侍發雕章
緒言已勗期年政
綺字當生滿路光

劉憲

又

聞君墨綬出丹墀
雙鳥飛來佇有期
寄謝銅街攀柳日
無忘粉署握蘭時

武平一

又

金谿碧水玉潭沙
鳧鳥翩翩弄日華
鬪雞香陌行春倦
為摘東園桃李花

徐彥伯

又

洛陽桴鼓今不鳴
朝野咸推重大平
冬至冰霜俱怨別
春來花鳥若為情

崔日用

又

郎官出宰赴伊瀍
征傳駸駸灞水前
此時悵望新豐道
握手相看共黯然

徐堅

送梁六自洞庭山作

張說

巴陵一望洞庭秋
日見孤峰水上浮
聞道神仙不可接
心隨湖水共悠悠

重送舒公

蘇頲

散騎金貂服綵衣
松花水上逐春歸
懸知邑里遙相望
事主縈親代所稀

送司馬道士遊天台

宋之問

羽客笙歌此地遙
離筵數處白雲飛
蓬萊闕下長相憶
桐栢山頭去不歸

送司馬先生

李嶠

蓬閣桃源兩處分
人間海上不相聞
一朝琴裏悲黃鶴
何日山頭望白雲

秋江送別二首

王勃

早是他鄉值早秋
江亭明月帶江流
已覺逝川傷別念
復看津樹隱離舟

又

歸舟歸騎儼成行
江南江北互相望
誰謂波瀾纔一水
已覺山川是兩鄉

武陽送別

沈宇

菊黃蘆白鴈初飛
羌笛胡笳淚滿衣
送君腸斷秋江水
一去東流何日歸

紀行

渡湘江

杜審言

遲日園林悲昔遊
今春花鳥作邊愁
獨憐京國人南竄
不似湘江水北流

襄陽路逢寒食

張說

去年寒食洞庭波
今年寒食襄陽路
不辭着處

尋山水祗畏還家落春暮

途中口號

孫逖

鄴城東北望陵臺珠翠繁華去不迴無復新妝
豔紅粉空餘故壘滿青苔

切山

沈佺期

北邙山上列墳坐萬古千秋對洛城城中日夕
歌鍾起山上唯聞松柏聲

初唐彙詩卷第六十八

四唐彙詩六十八

初唐彙詩卷第六十九

四唐彙詩六十九

新都

吳勉學 采輯

胡之衍 校次

七言絕句

讌遊

夜宴安樂公主新宅

薛稷

秦樓宴喜月徘徊妓筵銀燭滿庭開坐中香氣
排花出扇後歌聲逐酒來

又

沈佺期

濯龍門外主家親鳴鳳樓中天上人自有金杯
迎甲夜還將綺席代陽春

又

馬懷素

鳳樓窈窕凌三襲翠幌玲瓏瞰九衢復道中宵
留宴衍彌令上客想踟躕

又

武平一

王孫帝女下仙臺金榜珠簾入夜開遽惜瓊筵
歡正洽唯愁銀箭曉相催

又

閻朝隱

鳳凰鳴舞樂昌年蠟炬開花夜管絃半醉徐擊
珊瑚樹已聞鐘漏曉聲傳

又

劉憲

層軒洞戶旦新披度曲飛觴夜不疲綺綴玲瓏
河色曉珠簾隱映月華窺

又

徐彥伯

鳳樓開闔引明光花耐連添醉益香欲知帝女
薰天貴金柯玉柱夜成行

又

盧藏用

侯家主第一時新上席華年不惜春珠紅綴日
那知夜玉竿流霞畏抵晨

又

韋元旦

主第新城銀作榜賓筵廣宴玉爲樓壺觴旣卜
仙人夜歌舞疑停織女梭

又

崔日用

銀燭金屏坐碧堂只言河漢動神光主家盛時
歡不極才子能歌夜未央

又

岑羲

金榜重樓開夜扉瓊筵愛客未言歸銜歡不覺
銀河曙盡醉那知玉漏稀

又

李廻秀

金榜岩堯雲裏開玉簫參差天際迴莫驚側弁
還歸路祗爲平陽歌舞催

又

蘇頲

車如流水馬如龍仙史高臺十二重天上初移
衡漢匹可憐歌舞夜相從

侍宴安樂公主新宅應制 李义

初唐彙詩 卷之十九
牽牛南渡象昭回學鳳樓成帝女來平日旦鸚鵡
歌舞席方宵鸚鵡獻酬杯

又

李適

銀河半倚鳳凰臺玉酒相傳鸚鵡杯若見君平
須借問仙槎一去幾持來

九日宴

張譔

秋葉風吹黃颯颯晴雲日照白鱗鱗歸來得問
茱萸女今日登高醉幾人

奉和聖製幸韋嗣立山莊應制

萬騎千官擁帝車八龍三馬訪仙家鳳凰原上
窺青壁鸚鵡杯中弄紫霞

李嶠

又

沈佺期

東山朝日翠屏開北闕晴空綵仗來喜遇天文
七曜動少微今夜近三台

又

李乂

曲榭迴廊繞澗幽飛泉噴水溢池流祗應感發
明王夢遂得邀迎聖帝遊

又

竹徑桃源本出塵松軒茅棟別驚新御蹕何須
林下駐山公不是俗中人

崔湜

又

鳴鑾赫奕下重樓羽蓋逍遙向一丘漢日唯聞
白衣寵唐年更覩赤松遊

武平一

又

非吏非隱晉尚書一丘一壑降乘輿天藻緣情
兩曜合山巵獻壽萬年餘

劉憲

又

廊廟心存巖壑中鑾輿矚在灞城東逍遙自有
蒙莊子漢主徒言河上公

趙彥昭

又

西京上相出扶陽東郊別業好池塘自非仁智
符天賞安能日月共迴光

張說

又

樹色參差隱翠微泉流百尺向空飛傳聞此處
投竿住遂使茲辰扈蹕歸

蘇頲

苑中人日遇雪應制

趙彥昭

始見青雲干律呂俄逢瑞雪應陽春今日迴看
上林樹梅花柳絮一時新

遊苑遇雪應制

李嶠

散漫祥雲逐聖迴飄颻瑞雪繞天來不能落後
爭飛絮故欲迎前定早梅

苑中遇雪應制

沈佺期

北闕彤雲掩曙霞東風吹雪舞山家瓊章定少
千人和銀樹長芳六出花

又

宋之問

紫禁仙輿詰日來青祈遙倚望春臺不知庭霰
今朝落疑是林花昨夜開

又

劉憲

一作李
又詩

龍驂曉入望春宮正逢春雪舞東風花光併灑
天文上寒氣行消御酒中

又

徐彥伯

千鍾聖酒御筵披六出祥英亂繞枝卽此神仙
對瓊圃何煩轍迹向瑤池

上巳日祓禊渭濱應制

韋嗣立

乘春祓禊逐風光
扈蹕陪鸞渭渚傍
還笑當時水濱老
衰年八十待文王

又

沈佺期

寶馬香車清渭濱
紅桃碧柳禊堂風
皇情尚憶垂竿佐
天祚先呈捧劍人

又

劉憲

桃花欲落柳條長
沙頭水上足春光
此時御蹕來遊處
願奉年年祓禊觴

又

徐彥伯

晴風麗日滿芳洲
柳色春筵祓錦流
皆言侍蹕橫汾宴
暫似乘槎天漢遊

奉和三日祓禊渭濱

李义

上林花鳥暮春時
上巳陪遊樂在茲
此日欣逢臨渭濱
昔年空道濟汾詞

又

張說

青郊上巳艷陽年
紫禁皇遊祓渭川
幸得歡娛承湛露
心同草樹樂春天

奉和聖製同玉真公主遊大哥山池題
石壁
張說

池如明鏡月華開
山學香爐雲氣來
神藻飛爲鵲
鴝賦仙聲颺
出鳳皇臺

桃花園馬上應制
張說

林間艷色驕
天馬苑裏穠華伴
麗人願逐南風
飛帝席
年年含笑舞青春

遊長寧公主流杯池
上官昭容

沁水田園先自多
齊城樓觀更無過
倩語張騫

莫辛苦人今從此
識天河

又

參差碧岫聳蓮花
潺湲綠水瑩金沙
何須遠訪三山路
人今已到九仙家

又

憑高瞰險足怡心
菌閣桃源不暇尋
餘雪依林成玉樹
殘雲點岫卽瑤岑

三月三日定崑池
奉和蕭令得潭字韻

張說

暮春三月日重三春水桃花滿禊潭廣樂逶迤
天上下仙舟搖衍鏡中酣

同趙侍御望歸舟

張說

山亭迴迴面長川江樹重重極遠煙形影相追
高翥鳥心腸併斷北風船

和尹從事悉汎洞庭

張說

平湖一水望連天林景千尋下洞泉忽驚水上
光華滿疑是乘舟到日邊

登逍遙樓

宋之問

逍遙樓上望鄉關綠水泓澄雲霧間北去衡陽
二千里無因鴈足繫書還

望韓公堆

崔滌

韓公堆上望秦川渺渺關山西接連孤客一身
千里外未知歸日是何年

蜀中九日登玄武山旅眺

王勃

九月九日望鄉臺他席他鄉送客杯人今已厭
南中苦鴻鴈那從北地來

九月九日登玄武山旅眺

盧照隣

九月九日眺山川歸心歸望積風煙他鄉共酌
金花酒萬里同悲鴻鴈天

九月九日登玄武山旅望
邵大震

九月九日望遙空秋水秋天生夕風寒鴈一向
南飛遠遊人幾度菊花叢

上元夜六首
崔液

玉漏銅壺且莫催鐵關金鎖徹明開誰家見月
能閒坐何處聞燈不看來

又

神燈佛火百輪張刻像圖形七寶裝影裏如開
金口說空中似放玉毫光

又

今年春色勝常年此夜風光最可憐鳩鵲樓前
新月滿鳳凰臺上寶燈然

又

金勒銀鞍控紫騮玉輪珠幘駕青牛驂驪始散
東城曲倏忽還來南陌頭

又

公子王孫意氣驕不論相識也相邀最憐長袖
風前弱更賞新弦暗裏調

又

星移漢轉月將微露灑煙飄燈漸稀猶惜路傍
歌舞處踟躕相顧不能歸

春日

紀事作元
萬頃事

上官儀

花輕蝶亂仙人杏葉密鶯啼帝女桑飛雲閣上
春應至明月樓中夜未央

奉和春日

元萬頃

鳳輦迎風乘紫閣鸞車避日轉彤闈中堂促管
淹春望後殿清歌開夜扉

三月歌

閻德隱

洛陽城路九春衢洛陽城外柳千株能得來時
作眼覓天津橋側錦屠蘇

詠物

侍宴桃花園詠桃花應制 李嶠

歲去無言忽顛顛時來含笑吐氛氲不能擁路
迷仙客故欲開蹊待聖君

又

李义

綺萼成蹊遍苑芳
紅英撲地滿筵香
莫將秋宴傳王母
來比春華望聖皇

又

趙彦伯

紅萼競然春苑曙
芊茸新色御筵開
長年願奉西王讌
近侍漸無東朔才

又

蘇頲

桃花灼灼有光輝
無數成蹊點更飛
爲見芳林含笑待
遂同溫樹不言歸

詠柳

賀知章

碧玉妝成一樹高
萬條垂下綠絲絛
不知細葉誰裁出
二月春風似剪刀

桃花行

無名氏

源水叢花無數開
丹跗紅萼間青梅
從今結子三千歲
預喜仙遊復摘來

人日翫雪應制

劉憲

勝日登臨雲葉起
芳風搖蕩雪花飛
星暉幸得承金鏡
颺彩還將奉玉衣

觀蠻童爲伎之作

王翰

長裙錦帶還留客
廣額青娥亦效顰
共惜不成金谷妓
虛令看殺玉車人

秋朝木芙蓉

趙彥昭

水面芙蓉秋已衰
繁條偏是着花遲
平明露滴垂紅臉
似有朝愁暮落時

催妝

見紀事搜玉集作徐璧詩

徐安期

傳聞燭下調紅粉
明鏡臺前別作春
不須面上渾妝卻
留着雙眉待畫人

代閨人

沈宇

楊柳青青鳥亂吟
春花香藹洞房深
百花簾下朝窺鏡
明月窻前夜理琴

紀哀

傷曹娘二首

宋之問

可憐冥漠去何之
獨立丰茸無見期
君看水上芙蓉色
恰似生前歌舞時

又

前歎妙舞今應盡
子夜新歌遂不傳
無復綺羅

嬌白日直將珠玉閉黃泉

初唐彙詩卷第六十九

四唐彙詩六十九

初唐彙詩卷第七十

四唐彙詩七十

新都 吳勉學 編輯

江晏如 校訂

聯句

十月誕辰內殿宴羣臣效柏梁體聯句

中宗

潤色鴻業寄賢才帝叨居右弼愧鹽梅太子運籌

帷幄荷時來宗楚客職掌圖籍濫蓬萊劉憲兩司謬

忝謝鐘裴崔湜禮樂銓管効消埃鄭愔陳師振旅清

九垓趙彥昭欣承顧問侍天杯李適銜恩獻壽柏梁

臺蘇頌黃縑青簡奉康哉盧藏用鯁生侍從忝王枚

李又右掖司言實不才馬懷素宗伯秩禮天地開薛稷

帝歌難續仰昭回宋之問微臣捧日變寒灰遠慙

班左愧遊陪上官婕妤

景隆四年正月五日移仗蓬萊宮御大

明殿會吐蕃騎馬之戲因重為柏梁體

聯句 中宗

大明御寓臨萬方帝顧恐內政翊陶唐皇鸞鳴

鳳舞向平陽長寧公主秦樓魯館沐恩光安樂公主無心

為子輒求郎太平公主雄才七步謝陳王溫王重茂當熊

讓輦愧前芳上官昭容再思銓筦恩可忘吏部侍郎崔湜文

江學海思濟航著作郎鄭愔萬邦考績臣所詳考功員外郎武平一

著作不休出中腸著作郎閻朝隱權豪屏跡肅嚴

霜御史大夫竇從一鑄鼎開獄造明堂將作大匠宗晉卿玉醴

由來獻壽觴吐蕃

襍體

霹靂引

沈佺期

歲七月火伏而金生客有鼓琴於門者奏霹靂
之商聲始戛羽以騁春終扣宮而砰駘電耀耀
今龍躍雷闐闐今雨冥氣鳴唅以會雅態歛翕
以橫生有如驅千旗制五兵截荒虺斲長鯨孰
與廣陵比意別鶴儔精而已俾我雄子魄動毅
夫髮立懷恩不淺武義雙輯視胡若芥剪羯如
拾豈徒慷慨中筵備羣娛之翕習哉故此知也

雜曲

王勃

智瓊神女來訪文君蛾眉始約羅裙初薰歎齊

曲韻舞亂行分若向陽臺薦枕何帝得勝朝雲
送考功武負外學士使嵩山置舍利塔

徐堅

伊川別騎灞岍分筵對三春之花月覽千里之
風煙望青山今分地見白雲今在天寄愁心於
樽酒愴離緒於清絃共握手而相顧各銜悽而
黯然

送考功武負外學士使嵩山署舍利塔

張說

懷玉泉戀仁者寂滅真心不可見空留影塔清
巖下寶王四海轉千輪企曇百粒送分身山中
二月娑羅會虛唄遙遙愁思人我念過去微塵
劫與子禪門同正法雖在神仙蘭省間常持清
淨蓮花葉來亦好去亦好了觀車行馬不移當
見菩提離煩惱

送尹補闕元覲琴歌

張說

鳳哉鳳哉啄琅玕飲瑤池棲崑崙之山哉中國
有聖人感和氣飛來飛來自歌自舞先王冊府

麒麟之臺羈雌衆雛故山曲其鳴喈喈其鳴喈
喈欲往銜之歛去來去別鸞鳳心徘徊明年阿
閣梧桐花葉開羣飛鳳歸來羣飛鳳歸來

奉和聖製溫泉歌

張九齡

有時神物待聖人去後湯還冷來時樹亦春今
茲十月自東歸羽旆逶迤上翠微溫泉谷葱葱佳
氣色離宮奕奕叶光輝臨渭川近天邑浴日溫
泉復在茲羣仙洞府那相及吾君利物心玄澤
浸蒼黔漸漬神湯無疾苦薰歌一曲感人深

登幽州臺閣

陳子昂

前不見古人後不見來者念天地之悠悠獨愴然而涕下

奉和聖製瑞雪篇

張九齡

萬年春三朝日上御明臺旅庭實初瑞雪兮霏微俄同雲兮蒙密此時騷切陰風生先過金殿有餘清信宿輝娟飛雪度能使玉人俱掩嫵皓皓樓前月初白紛紛陌上塵皆素昨訝驕陽積數旬始知和氣待迎新匪惟在人利曾是扶天

意天意豈云遙雪下不崇朝皇情翫無斃雪委方盈尺草樹紛早榮京坻宛先積君恩誠謂何歲稔復人和預數斯箱慶應如此雪多朝冕旒今載悅想臺笠兮農節倚瑤琴兮或歌續薰風兮瑞雪福浸昌應尤盛瑞雲年年常感聖願以柏梁作長爲柳花詠

鸚鵡貓兒篇

并序

閻朝隱

鸚鵡慧鳥也貓不仁獸也飛翔其背焉嚙啄其頤焉攀之緣之蹈之履之弄之藉之墮

然此爲自得彼亦以爲自得畏者無所起其
畏忍者無所行其忍抑血屬舊故之不若臣
叨踐太子舍人朝暮侍從預見其事聖上方
以禮樂文章爲功業朝野歡娛強梁充斥之
輩願爲臣妾稽顙闕下者日萬計尋而天下
一統實以爲惠可以伏不惠仁可以伏不仁
亦太平非常之明證事恐久遠風雅所缺再
拜稽首爲之篇

霹靂引豐隆鳴猛獸噫氣蛇吼聲鸚鵡鳥同資

造心兮殊粹精鸚鵡毛翡翠翼鴝雛延頸鷓鴣
弄色鸚鵡鳥同稟陰陽兮異埴埴彼何爲兮隱
隱振振此何爲兮綠衣翠襟彼何爲兮窘窘蠢
蠢此何爲兮好貌好音彷彿兮佯佯似妖姬躡
步兮動羅裳趨趨兮蹉蹉若處子迴眸兮登玉
堂爰有獸也安其忍齧其脇距其胷與之放曠
浪浪兮從從容容鈎爪鋸牙也宵行晝伏無以
當遇之兮忘味搏擊騰擲也朝飛暮噪無以拒
逢之兮屏氣由是言之貪殘薄則智慧作會殘

臨之今不復躩由是言之智慧周則貪殘陋智
慧犯之今不復憂非形陋質雖賤微皇王顧遇
長光輝離宮別館臨朝市妙舞繁絃雜官徵嘉
喜堂前景福內合歡殿上明光裏雲母屏風文
彩合流蘇斗帳香煙起承恩宴盼接宴喜高視
七頭金駱駝平懷五尺銅獅子國有君今國有
臣君爲主今臣爲賓朝有賢今朝有德賢爲君
今德爲飾千年萬歲兮心轉憶

詠駱

七歲時作

駱賓王

鸞鸞曲項向天歌白毛浮綠水紅掌撥清波
擬小山篇
徐賢妃

仰幽巖而流盼撫桂枝以凝想將千齡兮此遇
荃何爲獨往

春桂問答二首

王績

問春桂桃李正芳華年光隨處滿何事獨無花

又

春桂蒼春華詎能久風霜搖落時獨秀君知不

林出谷香華頭晴久風靜餘香都散少時似不

問春生滿地正清風草草水清風暖何事

替歸問答一首

答同德詩

吟園題詞

春澹



